

古  
方  
選  
注

絳雪園古方選註

古吳

王子接晉三註

薛雪生白校

寒劑

白虎湯

石膏

一觔碎  
綿裹

知母六兩

甘草

二兩  
炙

粳米

六合

右四味以水一斗煮米熟湯成去滓法温服一升法

日三服法

白虎湯治陽明經表裏俱熱與調胃承氣湯為對峙調胃

承氣導陽明腑中熱邪白虎泄陽明經中熱邪石膏泄陽  
知母滋陰粳米緩陽明之陽甘草緩陽明之陰因石膏性  
重知母性滑恐其疾趨於下另設煎法以米熟湯成俾辛  
寒重滑之性得粳米甘草載之於上逗遛陽明成清化之  
功名曰白虎者虎為金獸以明石膏知母之辛寒肅清肺  
金則陽明之熱自解實則瀉子之理也

白虎加人參湯

石膏

一觔碎  
綿裹

知母

六兩

甘草

二兩  
炙

粳米

六合

人參

三兩

右五味以水一斗煮米熟湯成去滓法溫服一升法

日三服(法)

陽明熱病化燥用白虎加人蔘者何也石膏辛寒僅能散表熱知母甘苦僅能降裏熱甘草粳米僅能載藥留於中焦若胃經熱久傷氣氣虛不能生津者必須人蔘養正回津而後白虎湯乃能清化除燥

竹葉石膏湯

竹葉 二把

石膏 一觔

麥門冬 一升去心

人蔘 三兩

半夏 半升洗

甘草 二兩炙

粳米 半升

右七味以水一斗煮取六升去滓(法)內粳米煮米熟

湯成去米法溫服一升法日三服法

竹葉石膏湯分走手足二經而不悖於理者以胃居中焦分行津液於各臟補胃瀉肺有補母瀉子之義也竹葉石膏麥冬瀉肺之熱人參半夏炙草平胃之逆復以粳米緩於中使諸藥得花清化之功是亦白虎越脾麥冬二湯變方也

葛根黃芩黃連湯

葛根 八兩

甘草 二兩

黃芩 三兩

黃連 三兩

右四味以水八升先煮葛根減二升法內諸藥煮

二升去滓法分温再服法

是方即瀉心湯之變治表寒裏熱其義重在苓連肅清裏熱雖以葛根為君再為先煎無非取其通陽明之津佐以甘草緩陽明之氣使之鼓舞胃氣而為承宣苦寒之使清上則喘定清下則利止裏熱解而邪亦不能留戀於表矣

梔子栝皮湯

梔子十五箇

甘草一兩

黃栝二兩

右三味以水四升煮取一升半去滓法分温再服法

梔子栝皮表劑也以寒勝熱以苦燥濕已得治黃之要矣而乃緩以甘草者黃必內合太陰之濕化若發熱者熱已

不痰於裏有出表之勢故汗下皆所不必但當奠安脾上  
使濕熱二邪不能復合其黃自除○梔子厚樸湯言熱梔  
子乾薑湯言寒治皆在裏此章之治則在表也

白頭翁湯

白頭翁 二兩

秦皮 三兩

黃連 三兩

黃柏皮 三兩

右四味以水七升煮取二升去滓法溫服一升法

白頭翁湯治厥陰熱利後重者太少二陰下利屬寒惟厥  
陰下利主熱以厥陰司相火也故以白頭翁涼陽明血分  
之熱秦皮收厥陰之濕黃連勝中焦之熱黃柏燥下焦之

濕四者皆味苦性寒直入下焦堅陰止利考本草白頭翁  
秦皮各列品類而今世所用乃於柴胡中揀出紫皮頭有  
白毛者為白頭翁以防風細辛之紫縛為秦皮余謂白頭  
翁沾柴胡之氣可入少陽秦皮沾細辛之氣可入少陰當  
與禹餘糧湯並參但漢時採藥未識亦如是否存之以質  
君子

### 文蛤散

文蛤 五兩

右一味為散法以沸湯和一錢七服法湯用五合法  
蛤稟天一之剛氣而生故能獨用建功味鹹性燥鹹寒足



以勝熱寒燥足以滲濕大陷胸湯治太陽內水結於胸鬲  
此治水寒之氣外鬱於表陽縮於內而成結胸只須滲泄  
水氣功斯畢矣取用紫斑紋者得陰陽之氣若黯色無紋  
者餌之令人狂走赴水

大黃黃連瀉心湯

大黃 二兩

黃連 一兩

右二味以麻沸湯二升漬之須臾絞去滓 法 分溫再

服 法

痞有不因下而成者君火亢盛不得下交於陰而為痞按  
之虛者非有形之痞獨用苦寒便可泄却如大黃瀉營分

之熱黃連泄氣分之熱且大黃有攻堅破結之能其泄痞之功即寓於瀉熱之內故以大黃名其湯以麻沸湯漬其須臾去滓取其氣不取其味治虛痞不傷正氣也

茵陳蒿湯

茵陳蒿

六兩

梔子

十四枚

大黃

二兩 去皮

右三味以水一斗先煮茵陳減六升法內二味煮取

三升去滓法分溫三服法小便當利尿如皂角汁狀

色正赤一宿腹減黃從小便去也

茵陳散肌表之濕得大黃則兼瀉中焦之鬱熱山梔逐肉理之濕得大黃則兼瀉上焦之鬱熱惟其性皆輕浮故與

大黃僅入氣分泄熱利小便建退黃之功與調胃承氣僅  
瀉無形之熱同義無枳實芒硝不能疾行大便故不得妄  
稱為下法

### 豬膚湯

豬膚一觔用白皮去其內肥刮令如紙薄

右一味以水一斗煮取五升去滓法加白蜜一升白

粉五合熬香和令相得法溫分六服法

腎應彘而肺主膚腎液下泄不能上蒸於肺致絡燥而為  
咽痛者又非甘草所能治矣當以豬膚潤肺腎之燥解虛  
煩之熱白粉白蜜緩於中俾豬膚比類而致津液從腎上

入肺中循喉嚨復從肺出絡心注胸中而上中下燥邪解

王子接骨三

古吳

藥性天二

濕劑

四逆湯

甘草二兩

乾薑一兩半

附子一枚生用大

右三味以水三升煮取一升二合去滓法分溫再服

法強人可用大附子一枚乾薑三兩

四逆者四肢逆冷因證以名方也凡三陰一陽證皆有

者皆用之故少陰用以散元每逆湯太陰用以溫厥

古方選注

寒劑

六

天黃... 無形之... 補為下法

猪膚湯

猪膚

右一味以水

粉五合熬香和食相得温分六服

肺主膚腎主液下注不脈其蒸其

痛者又非其草所能治矣當以猪膚潤

入椒中餘煎豈豈椒出然心其鹹中而土中不與

絳雪園古方選註

王子接晉三註

古吳

葉桂天士校

溫劑

四逆湯

甘草 二兩 炙

乾薑 一兩半

附子 一枚 生用 去皮切八片

右三味以水三升煮取一升二合去滓(法)分溫再服

(法)強人可用大附子一枚乾薑三兩

四逆者四肢逆冷因證以名方也凡三陰一陽證中有厥者皆用之故少陰用以救元海之陽太陰用以溫臟中之

寒厥陰薄厥陽欲立亡非此不救至於太陽誤汗亡陽亦  
用之者以太少為水火之主非交通中土之氣不能內復  
真陽故以生附子生乾薑徹上徹下開闢羣陰迎陽歸舍  
交接於十二經反復以炙草監之者亡陽不至於大汗則  
陽未必盡亡故可緩制留中而為外召陽氣之良法

### 通脉四逆湯

甘草 二兩  
炙

附子 大者一枚生用  
去皮破八片

乾薑 三兩強人  
可用四兩

右三味以水三升煮取一升二合去滓(法)分溫再服

(法)其脉即出者愈後加減

通脉四逆少陰格陽面赤陽越欲亡急用乾薑生附奪門

而入驅散陰癰甘草監制薑附烈性留頓中宮扶持太和  
元氣藉葱白入營通脉庶可迎陽內返推仲景之心只取  
其脉通陽返了無餘義矣至於腹痛加芍藥嘔加生薑咽  
痛加桔梗利不止加人蓂或涉太陰或干陽明或陰火僭  
上或穀氣不得非格陽證中所必有者也故仲景不列藥  
品於主方之內學者所當詳審

人參四逆湯

人參 一兩

甘草

二兩

乾薑

一兩五錢

附子

一枚生去皮切八片

右四味以水三升煮取一升二合去滓法分溫再服



法

四逆加人葶治亡陰利止之方蓋陰亡則陽氣亦與之俱去故不當獨治其陰而以乾薑附子溫經助陽人參甘草生津和陰

茯苓四逆湯

茯苓 六兩

乾薑 一兩五錢

附子 一枚

甘草

二兩

人參

一兩

其和右五味㕮咀法以水五升煮取一升二合去滓法分

溫再服法

茯苓四逆湯即真武湯之變方太陽篇中汗出煩躁禁用